

SAN MARTIN Y LUNGIARÜ

La Uniun di Èi dl decanat Val Badia inviëia duc i èi y i jogn da tó pert ala prozesciun cun linternes dala dlijia de Badia sö Oies en vëndres, ai 25 de setëmbër, dales 19.30. Recordësse de se tó do na linterna o na ciandëra. *Le Comité*

Invit ala Mëssa en recort de siur Heinrich Videsott incö domënia, 20 de setëmbër, dales 14.30, tla dlijia da La Val cun siur Klaus Costabiei y le cor de dlijia da La Ila.

La Uniun de San Vinzenz inviëia duc al peregrinaje a Weissenstein, en jöbia, ai 24 de setëmbër, che pëia ia da Longega dales 8.25, cun siur degan Klaus Sottas, che dijará ince la Mëssa laia. Por la marëna fistidiëia vignun instës, por le bus él da paie 25 euro. An rovará indô a Longega incër les 18.00. Al é da s'anunzié cina ai 22 de setëmbër pro Angela 338 24 30 045.

SAN MARTIN

Bel dilan dles ofertes fates en recordanza

- dl defunt Ulrich Prousch da pert de Paolo Vanzi, Cor de Dlijia San Martin, fam. Hermann Costabiei, ex Ciastelans, fam. Pio Trebo y fam. Tone Gasser
- dl defunt Sepl Zingerle de Tor da pert di nus Martina, Paolo, Klaus y Manuela Vanzi y da Elisabeth y Daniela Baldissera.

La Ploania da San Martin tēgn la festa di maridá lubilars la domënia, ai 11 d'otober. Duc chi che é 10,15,20,25,30,35,40,45,50 y dessura....agn maridá é bel invia.

Stödafüch da San Martin: ai 26 de setëmbër: festa d'otober:
dales 18.00 scomenciamënt dla festa y cëna; dales 19.00 vëgnel spiné la bot;
entrada lëdia cina les 21.00 - Bömische La Val, Gipfl Plattler, die Söhne Tirols.

I Stödafüch inviëia ala Segra dl paisc da San Martin tl gran salf cun chësc program:
do mëssa: matiné cun liagnes blanches y cornisc musicala
da misdë: poscibilitë da marné - intratignimënt musical cun Ossi de Lipo;
dales 17.00 estraziun dla loteria di Stödafüch; da sëra: poscibilitë da cené

LUNGIARÜ

Le KVV Lungiarü inviëia al referat "Hirn- und Gedächtnistraining" cun Richard Kammerer (insegnant de computer en ponsiun) en mercui, ai 23 de setëmbër, dales 19.30 tl salf de paisc. Al portará dant eserzizi y tips por mantigní via la memoria.

La Uniun di Seniors tl SBB - Grup dl paisc da Lungiarü - chir candidat/candidates che stá sön lista por les lites dl consëi nü dla uniun por i proscimi 3 agn 2027-2029. Les lites gnrá tignides ciamó en chësc altonn. Präibel contatede cina ai 30 de setëmbër la Renate 342 32 79 406 sc'i sëis interessá/interessades.

La Uniun Ladins Val Badia inviëia ala presentaziun dl roman "Anterlöm" de Samuel Debon tla stüa dl Ciastel de Tor en jöbia, ai 24 de setëmbër, dales 19.00, tla cornisc musicala de Ines Tavella. "Anterlöm" é na storia ambientada a Badia ala fin dl 19ejim secul, che cunta la vita di trëi jogn Matî, Jan y Tina y atoca temesc universai sciöche l'amizizia, la familia y le pëis dles convenziuns soziales.



Plata dles Ploanies San Martin y Lungiarü

ploan siur Klaus Sottas 344 15 54 055 - klsottas@...
redaziun: anton.gasser@rolmail.net - 348 27 44 517 / 0474 523194



20.09. - 27.09.26 n. 43

termo por comunicaziuns: jöbia, dales 20.00

25^a DOMËNIA IA POR L'ANN A

dal Vangele do san Matî 20, 1-16

Gejù ti â cunté a sü discepui chësta parabola: Cun le rëgn dl cil éra sciöche cun n patrun de n avëi, che s'un é jü dadoman adora demez da ciasa, a tó sö oras por süa vigna. Al é gnü a öna cun i oras sön un n denar al dé y al i â condüt te süa vigna. Plü tert él indô jü söl marcé, y n'â odü d'atri dailò che n'â degun laür. Al ti â dit: Jide ince os te mia vigna! I ves darà ci che é iüst. Canch'al é gnü da sëra, â vignun cialfé n denar. Dailò â chi che â lauré bele dala pröma ora inant metü man da se lascè sö cuntra le patrun y dijô: Chisc ultimi â mâ lauré öna n'ora, y tö i as traté anfat sciöche nos; nos deperpo ün suporté döt le dé le pëis dl laür y le cialt. Mo le patrun ti â respognü a un de chi: Amì, al ne te vëgn fat degun tort. Ne n'este nia gnü a öna cun mè sön un n denar? Tol tü scioldi y vätun! Iö indere ô ti dè al ultimo tan co a té. Ne poi nia fà ci ch'i ô cun ci che é mi? O este invidius, deach'i sun bun cun iatri? Insciö sarà i ultimi i pröms y i pröms i ultimi.



Ildiko Zavrakidis

*Gejù cunta na parabola por nes cunté dl rëgn dl cil:
Ne stede nia a ves confronté cun d'atri,
deache vigni confrunt gaujëia ma malcontentëza y desfortuna.
I confrunc ti plej ma al malan por podëi se devertí cun nosta soferënza.
Dan da Idî ne vel degun confrunt.
Dan da Idî vel süa bunté, y chëra é por vigni porsona atramënter.
Pro nos n'éra mai maiú o mëndra co pro d'atri.
Chësc messunse ciaré da capí sc'i baiun dl rëgn dl cil.
Dailò ne vel nia ci che iö mini, mo ci che Idî mina.
Süa bunté por vigni creatöra é tan grana y se destënn fora sciöche le cil. (Image)*

EDEMA - A	SAN MARTIN	LUNGIARÛ	50 agn Cursc de Teologia a Porsenú
20.09.26 25^a DOMËNIA dl ann A	8.30 Corona por i defunc Ulrich Prousc y Sepl Zingerle, Tor 9.00 Zelebrazium dl Parora de Dî 11.30 Bato de Enea Cavazzi de Nicolò y Martina Saracina Vlad Cot de Marius y Chiara Tavella	7.50 Corona 8.15 Gran Mëssa por la comunité de reng. fam. Tini y Dorina Clara + Silvia Rives Zingerle + Franz Costa, Ustí Vedl + + Fonjo y Catherina Castlunger	Al é na buna ocasiun da ciaré indô cun ligrëza y reconescënza sön le tëm্প passé, olache trôpes porsones s'â incunté por se dé jö cun la fede, la vita y le svilup dl monn, por imparé un dal ater y por chirí deboriada orientamënt y le fin de nosta vita. Chësc iubileum nes inviëia da conscidré i agn passá y da ciaré inant. I Cursc de Teologia a Porsenú dess romagne ince tl dagní n post olache porsones röia adöm a se baié, a fâ domandes y a ti dé contignú a süa vita. L'invit ala festa ai 24 d'otober dales 15.30 tl Seminar a Porsenú, a chëra ch'an pó s'anunzié cina ai 15 d'otober, é da ciafé por email theologischekurse@pthsta.it En recordanza de pater Fidelis Pezzei <i>nasciü l'ann 1932 y mort ai 13.09.2026</i> Cun 14 agn él jü a Porsenú a studié pro i Misionars Combonians, olach'al é gnü consacré prou ai 29.06.1960. Al â tres albü imënt da jí tles misciuns tl Perú olach'al é bele so berba pater Giovanni Pezzei. Tl 1963 ál spo ciafé l'inciaria da jí tles munts dles Andes. Ince do les crudeltés dl "Sendero Luminoso" l'ann 1970 ne sconâl nia da jí inant, sot al prigo di terrorisc, fora por i paisc a ciafé la püra jënt dl Perú. Tl 1993 él sté instës testimonone dles brutalites di terrorisc y di soldas olach'al é gnü copé n gröm de jënt. Do ch'al ti â comuniché ala stampa y ala televijun ci ch'al é sozedü, n'ël nia plü al sigü y é sté sforzé da s'un gni indô ca tl'Europa. Dedo ál albü inciaries desvalies pro i misionars combonians tla Germania y tla pastoral te deplü cöres. I recordun süa manira valënta y süa gran desponibilité te so sorvisc por la jënt. I rengraziun de düc ia iadi ch'al é gnü te nostes ploanies a zebré cun nos la santa mëssa. Idî ti al paies, por so sorvisc da fant fedel.
21.09.26 Matí apost. y vang. Lönesc			
22.09.26 Dedolönesc <i>Maurizius y comp. Ulpia</i>	8.00 Mëssa en onú de santa Rita da Cascia + Sepl Zingerle, Ghejenara	16.30 Corona tla capela S. Ojöp da Oies	
23.09.26 Dedemesaledema <i>Pio da Pietrelcina, Tecla</i>		7.30 Mëssa por la familia de Linert Clara por les families de Iaco Castlunger	
24.09.26 Rupert y Virgile Jöbia			
25.09.26 Vëndres <i>Niclaus da Flüe, Ludmila</i>	18.30 Adoraziun chîta 19.00 Adoraziun deboriada		
26.09.26 Sabeda <i>Cosmas y Damian, Paolo VI.</i>	degöna mëssa prefestia		
27.09.26 Vinzenz de Paul 26^a DOMËNIA dl ann A <i>De mondial di migranc</i>	Festa dla segra da San Martin Iubileum de 50 da prou de siur Pepi Chizzali 10.00 Ingres dal paiun te dljia y Mëssa solëna por la comunité + Giovanni Tavella dla Uniun + + Maria, Richard y Verena Flöss + Carlo y Helmut Dejaco	7.50 Corona por + pater Fidelis Pezzei 8.15 Gran Mëssa por la comunité por i nüc Angelica y Simon + pater Fidelis Pezzei + Caterina Knollseisen ved. Dapoz + + Pire y Angela Dapoz aniv. + Ida Nagler aniv. + Carlo Mischi	
 Por la festa de iubileum de 50 agn da prou ti audunse a siur Pepi Chizzali döt le bun y ti desmostrun nosc dilan de so sorvisc da prou tla vigna dl Signur y de süa testimonianza de fede.			